

des et pignora ei pro suo [a] dedere arbitrio; qui anno sequenti, plus precio quam jure citatus, [b] Castrum Faventinorum, quod erat super Cosnam, penitus destrui [c] fecit, et mille libras Liviensibus dari precepit. Quae quidem omnia Faventini, dolentes ad mortem, timore tamen obsidum et pignorum, mandaverunt effectui.

De guerra reiterata / et praelio apud Fractariam / et de destructione Castri Latini et de pace inter nos et ipsos reformata, datis mille libris episcopo Livienti.

CAP. CXX.

Anno ab incarnatione Domini MCCII, cum episcopus Livienſis fecisset Faventinos excommunicari, pro eo quod caſtrum Eccleſie destruxerant et in nullo ei ſatisfecerant, Faventini, magno permoti dolore, guerram cum Livienſibus [a] inceperunt ac Ravennatibus. Verum, cum multoties [e] equitaſſent ſuper Ravennates, foſſatum magnum in partibus Cortinae explanaverunt pluries, capientes ruſticos multos cum animalibus non paucis. Una ſabbatorum cum audiſſent [f] Ravennates Faventinos ad foſſatum Sancti Stephani veniſſe, cum trecentis militibus conductis quos habebant, ruſticis ſuccurrerunt, non tamen auſi ſunt extra foveas ad Faventinos [g] exire. Die vero quadam, cum Faventini a mane uſque ſextam [h] apud Forolivium arbores incidiſſent et ſegetes, jam labore et æſtu, fame fatigati et ſiti, domum vellent reverti, viderunt partem Livienſium ſuper foſſatum Fractariae, quos contra voluntatem Guidonis Tantidenarii [i], Faventinorum poteſtatis, quidam aggreſſi ſunt inconſulte; cum quibus duriffime decertantes, et quam plurimis hinc inde cadentibus, illos uſque ad fluvium vi reduxerunt [j] maxima. Quibus reliqui [k], locorum difficultate et viæ anguſtiis impediti, ſuccurrere non valuerunt; nam Livienſes, foveas profundas facientes in medio ſtratae [l], tramitem reliquerant artiſſimum [m]. Paſſi ſunt autem die illa Faventini culpa ſtultorum, in viris, equis, armis atque vexillis deterius, quam intulerint hoſtibus. Ab illa ergo die in antea magis ſolito deſceſerunt in hoſtes; nam infra menſem Caſtrum Latini [n] destruxerunt, multaſque alia loca combuſſerunt, prædam maximam virorum ac animalium inde ducentes [o]. Demum anno ſequenti MCCIII, facta eſt pax et concordia inter cives et hoſtes, datis mille libris episcopo Livienſi, destructionem Caſtri Leonis firmam et ratam habenti.

[a] *obsides et pignora ei pro suo*, C. M.; *obsides pro suo*, C. V. — [b] *plus precio, quam jure citatus*. Sic Codices. Cl. Mitt., pro *citatus*, legendum eſſe ait: *civitatis*. — [c] *penitus destrui*, C. M.; *funditus destrui*, C. V. — [d] *cum Livienſibus*. Sic legit Cl. Mitt. Nam C. M. habet: *tm*, quam ego verterem *tum*, et adderem, *facere inceperunt*, ut ſupra addimus in ſimili caſu, *movere*. C. V. habet *tamen*. — [e] *cum multoties*. C. M. habet, *multociens*. — [f] *audiſſent*. In Codd., *audiſſent*. — [g] *ad Faventinos*. Sic lego cum C. V. — [h] *a mane uſque ſextam*, C. M.; *a mane uſque ad ſextam*, C. V. — [i] *Guidonis Tantidenarii*. Sic Codd. — [j] *vi reduxerunt*, C. M.; *vi deduxerunt*, C. V. — [k] *Quibus reliqui*, C. M.; *quorum reliqui*, C. V. — [l] *in medio ſtratae*. In C. M., *in medio ſtractae*. — [m] *reliquerant artiſſimum*. Sic lego. Codd. M. et V. habent, *relinquerant*; et C. V., pro *artiſſimum*, habet, *altiſſimum*. — [n] *Caſtrum Latini*, C. V.; *Caſtri Latini*, C. M. — [o] *inde ducentes*, Codd.